

Տ Ե Ղ Ե Կ Ա Գ Ի Ր

Ա.գգ. Վ. Պ. Կիւլպէնկեան

Մայրաւոցի

15 ՕԳՈՍՏՈՍ 1935 — 31 ԴԵԿՏԵՄԲԵՐ 1935

Հ Ա Լ Է Պ



614.2

Ա. 23


ՅՊ. «ԱՐԱՐԱ» ԽԱՆՏԵՔ, ՀԱԼԷՊ

614.2
U-23

10 JUL 2010

19.03.2014

3557



(ՏՈՒՍԿԻ ՆՇՈՒՆԻ ԿՈՂՄԻՏԵՆ ԴԻՏԱԿԱՆ
ՄԱՅՐԱՆՈՑԻ ՆՇՈՒՆԻ ԿՈՂՄԻՏԵՆ)



63409-67

ՏԵՂԵԿԱԳԻՐ

ԱԶԳ. Վ. Պ. ԿԻԼՊԵՆԿԵԱՆ ՄԱՅՐԱՆՈՑԻ 4 1/2 ԱՄՍՈՒԱՅ ԳՈՐԾՈՒՆԵՈՒԹԵԱՆ

Ազգ. վ. Պ. Կիլպենկեան Մայրանոցի պաշտօնական բացումը կատարուած էր 1935 Փետր. 7ին, իսկ ննամակալութիւնս պաշտօնի կանչուած էր Ապրիլի սկիզբները: Ննամակալութեանս կանդամակցէին Տքթ. Պօղոսեան, Տքթ. Հրեշտակեան Տքթ. Նանարեան, ձօրճ Ֆէթթէլեան եւ Ն. Ֆրսթրգնեան: Օգոստ.ի սկիզբները Տքթ. Նանարեան հրաժարած ըլլալով, անոր փոխանորդեց Տիար Պետրոս Մարանկօզեան:

Ննամակալութեանս անդրանիկ նիստը գումարուած է 1935 Ապրիլ 2 ին, Իիւանը կազմուեցաւ հետեւեալ կերպով, Տքթ. Պօղոսեան Ատենապետ, Ն. Ֆրսթրգնեան Ատենադպիր, ձ. Ֆէթթէլեան Գանձապահ: Մինչեւ ցարդ ունեցած ենք 33 նիստ, զրած ենք 68 նամակներ:

Մայրանոցը իր դռները բացաւ ժողովրդեան առջեւ Օգոստ. 15 էն սկսեալ, հետեւաբար ներկայ տեղեկագիրը կ'ամփոփէ Օգոստ. 15 էն մինչեւ Դեկտ. 31ի, այսինքն չորս ու կէս ամսուայ շրջան մը:

Խնամակալութիւնս, նկատելով որ Մայրանոցը նոր կը բացուի ու ժամանակի կը կարօտի որպէսզի ժողովուրդը ընտելանայ անոր, ու փոխանակ տունը հակառողջապահիկ ու շատ անգամներ սենեակներու չգոյութեան պատճառաւ անպատշաճ պայմաններու ներքեւ ծննդաբերութիւն կատարելու, վարժուի Մայրանոցի առողջապահիկ մթնոլորտին վստահելու իր զաւակաց ծնունդը. նկատի Բառնելով այս պարագաները որոշեց փոխանակ պիւտճէով ենթադրեալ պաշտօնէութեան ամբողջութիւնը պաշտօնի կանչելու, մաս առ մաս անհրաժեշտ պաշտօնէութիւնը միայն պաշտօնի հրաւիրել ու ըստ պէտքին ապա շատցնել անոնց թիւը, նախագծուած պիւտճէի սահմանին մէջ: Այնպէս որ առաջին ֆանգամ պաշտօնի հրաւիրեցինք անհրաժեշտ պաշտօնեաները միայն, մանկաբարձուհի մը, Օր. Ատրինէ Խաչատուրեան, վկայեալ Ֆրանս. Փաքիւլթէէն, հիւանդապահուհի մը, խոհարարուհի, լուացարարուհի ու

մաքրութեան հսկող մը, դոնապան մը եւ Առաջնորդարանին յանձնարարութեամբ Օրիորդ մը, որ իբրեւ Տիրոջը ուխտեալ պաշտօնեայ, ցկեանս ծառայել կը խոստանար Մայրանոցի մէջ: Պաշտօնի հրաւիրեցինք նաեւ այցելու հաշուակալ մը: Գալով բժշկական սպասարկութեան, նկատելով որ անբնականոն ծնունդները % 5 կամ 6 հազիւ կը պատահին, համաձայնութիւն մը կնքեցինք քաղաքիս ծանօթ մանկաբարձ բժիշկներէն Տօքթ. Էմին Անթաքիի հետ, որպէսզի անբնականոն (Systocie) պարագաներուն զալով անձամբ կատարէ ծննդաբերութիւնը: Միւս կողմէն նկատելով որ ամեն օր Մայրանոց այցելելով ծննդաբեր կանանց առողջական վիճակը բժշկական քննութեան ենթարկելու անհրաժեշտութիւնը կայ, այս պաշտօնին հրաւիրեցինք նախ Տօքթ. Գէորգ Արսլանեանը առժամեայ հանգամանքով եւ ապա Տօքթ. Գէորգ Տավուտլարեանը մնայուն բժշկի հանգամանքով: Մինչեւ հիմա երեք ծնունդի համար բժշկական միջամտութեան հարկ եղաւ, որուն մէկը Տօքթ. Անթաքին կատարեց, իսկ երկուքը Հաստատութեանս մնայուն բժիշկը Տօքթ. Տավուտլարեան: Վիրաբուժական միջամտութեան պարագային. Տօքթ. Ալթունեան որդի խոստացած է կատարել գործողութիւնը:

ՀԱՇՈՒԵԿՇԻՌ ԱԶԳ. Վ. Պ. ԿԻԼՊԷՆԿԵԱՆ ՄԱՅՐԱՆՈՑԻ
1935 ՕԳՈՍՏՈՍ 15 — 1936 ՅՈՒՆՎԱՐ 1

ՄՈՒՏՔ

Բարերարներէ 125 անգլ. ոսկի	46750
Ծննդաբերութենէ	17670
Դարմանատունէ	895
Նուիրատուութենէ	3950
4½ ամսուայ պիւտճէի բայը	6471
	75736

Ինչպէս մեր չորս ու կէս ամսուայ հաշուեկշռէն կը տեսնուի, այս շրջանին մէջ հաստատութեանս ելքը եղած է 75736 սուր. զոր. մօտաւորապէս ամսական 170 սուր. ոսկի: Այս ծախքը գոյելու համար բարերարները վճարած են 125 անգլ. ոսկի. 467½ սուր. ոսկի, բոլոր ծախքին երկու երրորդէն քիչ պակաս, ծննդաբերութենէ ու դարմանատունէ ունեցած ենք 185 սուրիական ոսկի բոլոր ծախքին հազիւ ¼ը, նուիրատուութիւն

ԵԼՔ

Պաշտօնէութեան	38105
Սննդեղէն	15714
Վառելանիւթ	6293
Ելեքտրական, եւ ջուր	1768
Դեղորէից	5213
Այլեւայլք (գրնկ. տպգր. եւ այլն)	6828
Կարասիք	565
Ավանս ելեքտր. Բնկերութեան	1250
	75736

եղած է 39½ սուր. ոսկի, պարտք մը թողուցած ենք 65 սուրի. սակայն մթերանոցը պատրաստ ունինք 33 սուրինոց ապրանք ու 1250 ելեքտր. ավանս, որով զրեթէ պարտք չէ մնացած:

Ուրախ ենք յայտարարելու որ հետզհետէ ժողովուրդին մէջ Մայրանոցի շուրջ հետաքրքրութիւնը ու վստահութիւնը կ'աւելնայ, չորս ու կէս ամսուայ 43 ծնունդին փոխարէն Յունվարի մէջ ունեցած ենք քսան ծնունդ: Յունվարի ամբողջ

ծախսը եղած է 165 սուրի, որուն փոխարէն ծրննդաբերութեան ու դարմանատան հասոյթը եղած է 112 սուր. ոսկի, այսինքն ամբողջ ծախսին 2/3ը գոցուած է հաստատութեան բնական հասոյթովը:

Այս հաստատութիւնը որպէսզի կանգուն կարենայ մնալ պէտք է ինքնաբաւ դառնայ: Ընդդէմ որ բարերարները չորս տարուայ համար տարեկան 250 անգլ, ոսկիով կը մասնակցին հաստատութեանս պիւտճէին, այն յուսով որ չորս տարի վերջ հաստատութիւնը այլեւս ի վիճակի պիտի ըլլայ ինքզինք կառավարելու իր հասոյթներովը: Անցնող չորս ու կէս ամսուայ շրջանին 757 սուր. ոսկի ծախք եղած է ու 43 ծնունդ, այսինքն իւրաքանչիւր ծնունդ տասնեւեօթ ու կէս սուրիական ոսկի արժէր է հաստատութեան վրայ, մինչ իւրաքանչիւր ծննդաբեր միջին հաշուով վճարեր է չորս ս ու ը ի ա կ ա ն ո ս կ ի: Նոյնիսկ եթէ պահ մ'ընդունինք որ յառաջիկայ տարի Յունուար ամսուայ վրայ յենլով ունենանք տարեկան 240 ծնունդ այսինքն ամիսը՝ քսան ծնունդ ու տարեկան ծախքը եւթադրենք երկու հազար չորս հարիւր սուրիական ոսկի, իւրաքանչիւր ծնունդ հաստատութեանս պիտի արժէ տաս սուր. ոսկի:

Ահա այս կէտն է որ կ'ուզենք հանրութեան ուշադրութեանը յանձնել: Միշտ դիմումներ կ'ըլլան ծրիօրէն ընդունուելու Մայրանոց, իբրեւ ազգ. հաստատութիւն եւ կամ նոյնիսկ վճարողները կաշխատին կարելի եղածին չափ քիչ վճարումով ընդունուիլ. ասիկա մեր ազգային հիւանդութիւններէն մէկը եղած է, ամենէն աղքատն իսկ երբ ծննդաբերութիւնը տունը կատարէ նուազագոյն 5—6 սուրիականի ծախս մը կ'ունենայ, ինչո՞ւ ամեն ոք գէթ իր տունը ընելիք ծախսը սիրայօժար չի տրամադրէ հաստատութեանս: Պէտք է ամեն ոք ըմբռնէ թէ այս հաստատութիւնը օրհնութիւն մըն է ազգին համար, երեւեկայեցէք այն խղճալի պայմանները, որոնց մէջ ծննդաբերութիւն կը կատարէ հայ մայրը, մաքրութիւն, բժշկական սպասարկութիւն, կատարելապէս կը պակսին, հապա գործին բարոյական կողմը, խեղճ մայրը շատ անգամներ պզտիկներու հետաքրքրական ակնարկներուն տակ ստիպուած է իր երկունքը անցնելու: Ուստի, մեր ամենուն պարտականութիւնը պէտք է ըլլայ, յորդորել ժողովուրդը որ իր զաւակներուն ծնունդը վստահի Մայրանոցին, որ հետզհետէ դիմողներու թիւին շատնալուն հետ համեմատօրէն պիտի կարենայ

իր թերինները լրացնել ու ըլլալ արդիական լաւագոյն հաստատութիւն մը:

Ուրախ ենք որ Տիկնանց Օժանդակ Յանձնախումբը, որուն վստահուած է հաստատութեանս բրօքականտի հարցը, արդէն լծուած է իր աշխատութեան: Այս մասնախումբը կազմուած է.

Տիկնայք, Գանրպալեան, Ափիֆէ

Զօրեան, Նազենի

Մակագեան, Արուսեակ

Տէր Ղեւոնդեան, Աղաւնի

Յահմէ, Թագուհի

Օրիօրդներ, Գաբրիէլեան, Արաքսի

Թընկըրեան, Արուսեակ :

Մասնախումբը բրօքականտի գործը յառաջ տանելով հանդերձ կը ջանայ ամսական կանոնաւոր վճարումներով ժողովուրդը կապել Մայրանոցիս:

Պարտք կ'զգանք հոս մեր խորին շնորհակալութիւնները մատուցանել Կիւլպէնկեան բարերարներուն, որոնք ոչ թէ միայն այս հոյակապ շէնքը կերտեցին, այլ եւ զայն օժտեցին արդիական Մայրանոցի մը ամեն կազմածներով, ու տակաւին կը շարունակեն իրենց հոգածութիւնը. վերջերս հաստատուած քալօրիֆէրը անոր ապա-

ցոյցն է: Բարերարներու ընծեռած տարեկան նպաստն է որ այս հաստատութիւնը այսօր կանգուն կը պահէ, ու վաղուան ապահովութեան կ'առաջնորդէ:

Այս առթիւ թոյլ տրուի մեզ մեր խորին շնորհակալութիւնները յայտնել բոլոր անոնց, որոնք սատարեցին այս հաստատութեան կազմակերպութեան, ի մասնաւորի Սրբազան Առաջնորդին, Ազգ. Վարչութեան, Բաղ. Ժողովին ու բոլոր պաշտօնական Մարմիններուն, Շինութեան յանձնաժողովին, Տիկնանց Օժանդակ Յանձնախումբին ու հաստատութեանս բոլոր պաշտօնէութեան:



Տ Պ Ա Ր Ա Ն

« Ա Ր Ա Ր Ա »

Խ Ա Ն Տ Ի Ք

Հ Ա Լ Ի Պ



3557

